



• EDITORIAL • RÂL VÊNGTU • CHHÛNGKAW CHANCHIN

- » Ramthar rawngbâwl nan a rosum a pe
- » Counselling Training wawi 25-na khar a ni ta
- » Synod Hospital Chapel sakna tur sum pe

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXX

No. 396

E-mail: synodnews@gmail.com

SEPTEMBER, 2016

LÂWRKHÂWM

SYNOD HRUAITUTE LEH H&FW MINISTER-IN HIV/AIDS CHUNGCHÂNG AN SAWI HO

PHAI SYNOD PASTOR CONF.

Tahan, Phai Synod Pastor Conference ni 7-13 September, 2016 hman pui tûrin Rev. Lalramliana Pachau, Sr. Executive Secretary chu Myanmar-ah a kal.

COMTT. ON CHRISTIAN COMMUNICATION

Presbyterian Church of India hnuaia Committee pawimawh tak pakhat, Committee on Christian Communication ni 13-15 September, 2016 a tel tûrin Rev. Dr. C. Chawngmingliana, Editor SL&PB, Rev. Dr. Lâwmsanga, Associated Professor ATC leh Pu Lalhrutluanga Râltê, Manager Synod Press te chu Shillong-ah an kal.

PARTNERSHIP COMMITTEE

Mizoram Presbyterian Church Synod leh Karbi Anglong Presbyterian Church Partnership Committee, ni 10.9.2016 a Diphu-a neih tûrah Mizoram Synod aţangin hêng mite hi an kal-

Rev. H. Lalrinmawia, Moderator

Upa H. Ronghâka, Secretary (Sr)

Rev. K. Lalrinmawia, Secretary SMB

Upa H. Zoliana, Durtlâng leh Karbi Anglong Field Secretary te an ni a.

FINANCE CAMPAIGN

Sialhawk Bial chhûng Kohhranah ni 10-12 September, 2016 chhûng hian Rev. PC, Finance Office, Upa PC Vanlalrova, T Upa C. Lalchulloa leh Pu Lallawmzuala Pautu te Finance Campaign hmangin an zin.

PES TLAWH

Khawzawl Presbyterian English School tlawhin ni 3-5 September, 2016 khan Rev. B. Sangthanga, Executive Secretary chu a zin.

August 12, 2016 (Zirtâwpni) khân Synod hruaitute leh Mizoram sawrkâra Health & Family Welfare Minister chuan natna tihdam theih loh Acquired Imuno-deficiency Syndrome (AIDS) leh he natna thlentu natna hrik Human Imuno-deficiency Virus (HIV) chungchâng Health Minister Office-ah an sawi ho a; Health Minister hi Mizoram State AIDS Control Society (MSACS)-a thawk, Officer-ten an tawîawm a ni. Minister hian HIV/AIDS chungchâng sawi hova inkawm a duh thu ziakin, Synod hotute a sâwm a, amah zâwk Synod Office-a kalin emaw, Synod hotute a Office-a lêng zâwkin emaw inkawm a rawt a, chu chu Synod Officers' Meeting chuan ngaihtuahin Minister Office lama inkawm ho hi remchâng zâwkah ngaiin he inkawm hona hi buatsaih a ni.

Minister chuan khawvêlin a buaipui leh tûn thlenga a tihdam hlenna damdawi la hmuh chhuah loh natna khirh tak AIDS leh a thlentu natna hrik HIV positive (HIV⁺) chu Mizoramah a la darh zêl avânga ţan tlan theih dân kawng zawn tûl tihna avânga inkawm ho rawt a nih thu a sawi hmasa a. Sawrkâr lamin an hma lâk dân pangngaiin theihtâwp chhuah mah se, Mizoramah HIV⁺ kai an pung zêl a, tûnah hian National AIDS Control Organisation (NACO)-in an chhinchhiah dân chuan mihring tam dân aţanga chhûtin India ram state hrang hrang zîngah Mizoram chu HIV⁺/AIDS hrik pai tam lamah pahnihna, Nagaland dawttu a nih thu te a sawi a. Hetiang dinhmunan kan dân avâng hian sawrkâr hma lâkna bâkah a theih ang ang hma lâk dân sâwt zâwk ngaihtuah tûl a tih thu te a sawi a. Synod hruaituten hemi lama Synod hma lâk tawh dân hrang hrang leh tûn thlenga Synod Social Front-in he lama hma lâkna a la kalpui zêl dân te an sawi bawk.

MSACS lamin an chhinchhiah dân chuan October 1990 aţanga March 2016 chhûng khân thisen ensak 3,52,737 an awm a, chûng zînga 11,374 chu AIDS hrik (HIV⁺) pai an ni. HIV⁺ hrik pai za zêla 69.53 chu mipat hmeichhiatna (sex) hman aţanga kai an ni a; damdawi ruih theiha inchiu chîng za zêla 24.57 an ni a, nuin a naupai a a kai chhâwn chu za zêla 3.56 a ni a, a dang 2.34% chu kaina chhan chiah hriat loh an ni. Kum 15-40-in an kai ber a, a kai zîngah nupui pasal nei lai an tam ber bawk. Sawrkâr tâna hma lâk tiharsatu pakhat chu a hrik pai hmuh chhuah thar zînga za zêla 75 vel hi mipui mi mir, MSACS hma lâknain a huam chiah loh, drugs ti lo, hmeichhe inzuar ni pawha lang lo an ni chu a ni.

HIV⁺ paite hi an taksa tihchakna, an thisen vâv kiam zêl tûr vêngtu damdawi Anti-retriviral Therapy (ART) hmanga enkawl an ni tûn a, hetiangna enkawl thuaite chu an taksa chak dân azirin a hrik an pai hnu, kum 10 chuang daih pawh an la dam thei a. Tûnah hian hetiangna enkawl na hrang hrang ART damdawi eitîr chhinchhiah tawh chu 9,478 an ni a, chûng zînga 4,179-te chu enkawl lai mêk an ni. AIDS vanga thi chhinchhiah zat hi 1,219 an ni a.

Mipui mi mirah he natna hi a darh nasat tawh avângin sawrkâr department mal maiina do hneh chi a ni tawh lo va, mi tin kan fîmkhura kan invên a pawimawh tawh avângin inzirtîr a ngai. MSACS Thupui ber chu nupui pasal neih hmaa sex hman loh leh kawppuite laka rinawm a ni a. Hetiang tlin lote tân condom (CD) hmang ngei tûra inzirtîr a ni a, drugs-a inchiu thinten mi dang hman tawm lo va hriau thianghlim chauh hmang tûrin an zirtîr tûn a ni. AIDS donaah hian tha thlah theih a ni lo va, inzirtîr thar reng a ngai a ni, an ti a. HIV⁺ kai tawhte chu thinhrik hauh lova lainat taka enkawl ngai an nih thu an sawi bawk.

Kohhran lam aţanga inzirtîrna lam tih ve theih tûr chi hrang hrang sawi a ni a, hemi lama lo tih tawh leh tih mêk bâkah naupang lam aţanga inzirtîr zêl dân tûr tîa ngaihte pawh sawi ho a ni. He natna do tûr hian India sawrkâr laipui chuan khawvêl huap pawl (World Bank, etc) aţanga ţanpuina a dawn tûn eng emaw zât a hnawl avângin sum lamah an hnianghnar lo ta bawk a, hei hian Kohhran leh tlâwmngai pawl hrang hrang nêna ţan rual a tîl leh zual bawk nia sawi a ni.

SYNOD Newsletter

EDITORIAL STAFF

Rev. Dr. C. Chawngmingliana

Rev. PC Pachhûnga

Upa H. Ronghâka

Rev. R. Laldinthara

Editorial

NU LEH PA NI HI

Khawvêl pum huapin Nu leh Pa Ni hi July Pathianni vawî 4-naah an hmang thîn a. Kan Synod pawhin kum 2013 aţang khân kan la hmang ve ta zel a, kumin hi tûm 4 kan hmanna chauh a la ni. Synod chuan hman dân tûr pawh ruahmanna fel tak a siam a. Chu ruahmanna chu a tângpuiin hetiang hi a ni:

Kohhran Ni pawimawh kan neih nual tawh avângin ni hnan rek lovin Kristian Chhûngkaw Ni nên hian ni thuhmunah hman ni se, chhunah Nu leh Pa Ni, zân lamah Kristian Chhûngkaw Ni Program hman ni se. He mi ni hi nu leh pa ten mahni tu leh fate enkawl that pawimawhzia inzirtîrna hun atân te, tu leh fa ten nu leh pa te ropuina te, an zahawmna an lo hriat thar leh theihna tûra inzirtîrna hun atân te, nu leh pa thu awih pawimawhzia inzirtîrna hun atân leh hemi ni-a inzirtîr tûr tûl dang awm apiangte inzirtîrna hun atân hman thîn a ni ang. Nilai leh Beihrial thupui ziaktuin program a siam ang a, thupui zir tûr pawh an ziaik ngêl thîn ang; a tûl chuan thupui ziaik tûrin mithiam bîkte pawh a sâwm thei ang. Hemi niah hian NPSS lam chu a remchan dân angin chanvo pêk thîn a ni ang. Programme pawh naupang tâna ninawm lutuk lo tûr zâwna siam thîn tûr a ni ang. A tûl dân azirin puitling leh naupang lamin a hrana program siam theih a ni bawh ang. Nu leh pa nei tawh lote dinhmun hre thiam chungah program siam thîn ni se, thilpêk inpêk leh insêngso vak lo zâwna hman tum ni se.

Kum 2013-14 ah khân Nilai leh Beihrial Thupui ziaktute khân inkhâwm programme chipchiar pawh an rawn duang thlap a, program-ah pawh naupang tân chanvo siamsak a ni a. Kum 2015-16 ah erawh chuan thupui chauh an rawn dah leh ta a. Kum li chhûnga kan thupui te a indawt dânin: Nu leh pa hlutzia (2013), Nu leh pa hlutzia (2014), Nu leh pa te chawimawi (2015), Nu leh pate laka fate mawhpurhna (2016), Kohhranin Nu leh Pa Ni kan hmang kum tin dâwn a nih hmel ta si a. Chuvâng chuan Nilai leh Beihrial Thupui ziaktute leh tualchhûng kohhrana program siamtute hian kum hmasa lama kan lo hman tawh dân leh Synod-in kaihhruaina a siam hi ngun takin thlîr tel thîn ıla a lâwmawm ngawt ang. Kum li lek chhûng pawh hian a tir lam kum hnih chu mumal deuh takin program siam a ni a, a hnu kum hnih lamah erawh chuan kan namnûl leh ta viau niin a lang.

RAMTHAR RAWNGBÂWL NAN A ROSUM DAH

Pi Thanmawii (kum 89) Ruallung, August 19, 2016-a chatuan ram pan ta chuan a dam laiin thurochhiah a siam a, chutah chuan a sum neih leh a thil neih thenkhat chu a thih hnuah Ramthar rawngbâwnaa hman tûrin a ti a. A thurochhiah ang hian a chhûngten Bank-a a sum neih ₹ 3,55,600 zet leh a thil neih thenkhat Ruallung Kohhranah an hlân. Pi Thanmawii hi Ruallung Kohhranah kum 37 lai Tual Upa lo ni tawh a ni.

Hetianga taka Pathian ram zauna atâna mi thahnemngai an awm thîn hi a ropuiin a chhinchhiah tlâk hle a ni.

MTC ENFIAHTU AN LO KAL

Missionary Training College (MTC)-in Senate of Serampore College (University) pawmna (affiliation) a dîlna bawhzuina kal zêlah August 19, 2016 khân Senate aiawh mi pahni - Rev. Dr. Santanu K. Patro, Registrar leh Rev. Dr. K. David Udaya Kumar te an lo kal a, MTC rawn en fiahin MTC Governing Board nên inkawmhona hun an hmang bawh a ni.

SYNOD HOSPITAL CHAPEL SAKNA TÛR THAWH

Pu Bualhranga leh Pi Thanmawii, Dâwrpui Vêng, Aizâwl chuan an inneih Golden Jubilee (2015) lawmna chi khat atân Synod Hospital Chapel (Thawktute, damlote leh damlo awmpuitute inkhâwmna) tûr sak nân ₹ 57,74,000 (Chêng nuai sawmnga leh pasarih, sîng sarih leh sângli) an pe. Synod Hospital BEC chuan Chapel hi sak tan mai theih tûrin a rel fel tawh a. Synod Hospital-in sum lama harsatna a tawh laia Pathian tâna mi inpe leh thahnemngai aţanga heti zât sum an dawng hi Hospital Board chuan lâwmawm a ti êm a ni.

HOSPITAL CHARITY SUM KÏP-IN A HLÂN

August 26, 2016 (Zirtâwpni) khân Hospital Charity chu Synod Hospital-ah hlan a ni. He hunah hian Asst. Leader T.Upa Ngûrhmingliana, Gen. Secretary Upa Zonunmawia, Asst. Secretary Pu PC Biakmuanpuia leh Treasurer Pu Zonunsânga Râltê te an kal a, Bial 161 aţanga lo lût Rs. 4,52,436/- (Chêng nuai li sîngnga sângnhî zali sawmthum paruk) chu Asst. Leader T.Upa Ngûrhmingliana Hospital Director Dr. LH Thanga Singson hnênah a hlân a. Director in Hospital Report tawî pein lâwmthu a sawi a. Hospital Coordinator Upa F. Lalsangliana, tûn hma aţanga KÏP ten Synod Hospital tâna an thil lo tihsak tawh chi hrang hrangte sawiin lâwmthu sawi tawngtâina hun a hmang bawh.

August 26, 2016 (Zirtâwpni) thleng khân Hospital Charity hi Bial 37 lût lo a la awm a ni.

THAWKTU LA THAR

Synod Hospital, Durtlânga thawk tûr Doctor 2 leh John Williams Hospital, Lungleia thawk tûr Staff Nurse 4 te chu August 24, 2016 (Nilaini) khân Synod Service Board chuan a la thar a. September 1, 2016 aţangin an hna an zawm.

Synod Hospital, Durtlâng-ah:

1. Dr. Priscilla Zodinpuui, MBBS d/o Zirsangliana, Saikhamakâwn
2. Dr. Lalduhawmi Fanai, MBBS d/o Upa F. Lallura, Electric Vêng, Aizâwl

John Williams Hospital, Lunglei-ah:

1. Zomuanpuui, GNM d/o Lalbiakhlua, Lêng
2. Lalnuntluangi, GNM d/o Lalthanmawia, East Lungdâr
3. Lâwmsangzuali, GNM d/o Lalrinkima, Chhingchhîp Vênglai
4. Julie K. Lalrinnungi, GNM d/o K. Ronghâka, Khatla East

Synod 2015 Bu chhut zawh tawh a ni a, Synod Office-ah Office hun chhûngin lam theih a ni e.

LÂWMTHU SAWINA

Ni 30.3.2016 (Nilai) zân dâr 1:30 vêla thlipui leh rial nasa taka thawkin Khawbêl Biak In a lenchhiat vek avânga Biak In bungrua leh a châk zawng zawngte senghawi puia a tûk Ningania mahni hna tûl kalsana hnatlânga tha sêngtute, khawtlâng mipui, VC, YMA, Kohhran hrang hrang leh Bialtu Pastor leh Pro Pastor bâkah Bial Chairman leh Bial chhûng Upate chungah Khawbêl Kohhran chuan lâwmthu an sawi a. He an chhiat tawh avânga Kohhran, pâwl leh mimal tuarpuina leh tanpuina thilpêk petute zawng zawng chungah pawh lâwmthu an sawi tak meuh meuh a ni.

Râl Vêngtu

SYNOD HOSPITAL, DURLÂNG JULY, 2016 CHHÛNGA THILPÊK DAWNTE

I. CHARITY FUND

1.	KTP, Darlawn Bial & Phaileng Bial Jt. Meet	₹	55,00
2.	Pu Rosawmliana Varte, Leitán	₹	1,000
3.	Pu Lalsanglura, Durtlang Mel - 5	₹	1,000
4.	Pu Lalramena Ralte, Durtlang Kawn Veng	₹	500
5.	JL Pharmaco, Bawngkawn	₹	2,000
7.	Pu Zothankhumate nupa, Zarkawt	₹	3,500
8.	Airfield Vengthar Pastor Bial	₹	7,750
9.	Champhai Kahrawt Kohhran	₹	50,000
10.	Pi R. Liansangpuii, Zanlawn Venglai	₹	1,000
11.	Ramhlun North Pastor Bial Kohhran Hmeichhia	₹	20,000
12.	Pi Lalparmawii, Hospital Campus, 33rd Wedding Anniversary	₹	5,000
13.	Lungdai Pressbyterian Kohhran	₹	1,000
14.	Zemabawk Bial LAD, UPC (NEI)	₹	5,000
15.	Edenthar Presbyterian Kohhran	₹	10,000
16.	Pi Brenda Zodingliani, Hospital Campus	₹	20,000
17.	Upa B. Lalrinkima, Govt. Complex, Luangmual	₹	1,000
18.	Rajiv Nagar Kohhran Hmeichhia	₹	5,000
19.	Shela, South Kanan, Aizawl	₹	500
20.	Pu Lalrinlana, Republic Veng, Aizawl	₹	1,000
21.	Saidan Presbyterian Kohhran	₹	3,000
22.	KTP, Kolasib Venglai Branch	₹	5,000

II. GRACE HOME TÂNÀ THILPÊK PETUTE

1.	Indian Medical Association	₹	10,000
2.	Suangpuilawn Presbyterian Kohhran Hmeichhia	₹	1,000
3.	Venghnuai Pastor Bial Kohhran Hmeichhia	₹	15,000

III. THISEN PE TE

1.	KTP, Samtlang Branch	28 Units
2.	KTP, Armed Veng Branch, Aizawl	57 Units
3.	JC Security & Labour Agency, Synod Hospital	12 Units
4.	KTP, Chawnpui Branch, Aizawl	36 Units
5.	YMA, Tuikhuahtlang Branch	27 Units
6.	KTP, Lengpui Branch	38 Units

PEK ZÂT

IV. THIL DANG PE TE

1.	KTP, Durtlang Pastor Bial	Pi Puii In tan Ceiling Fan 7
2.	Pu Zoramawia, IGP, Laipuitlang	Pi Puii Ina Bathroom
		Darthlallang lei nan ₹ 30,000
3.	Pu Bualhranga, Dawrpui	Chapel sak nan ₹ 20,00,000
4.	Bilkhawthlir Bial Kohhran Hmeichhia	₹ 5,000
5.	KTP, Ruantlang Bial	Thutthlengsei 5
6.	Pi Laltanpuii, Hortoki Vengthar	Hatkora tui 5 litres.
7.	KTP, Keitum Bial	Hmunphiah 60
8.	Pu Dorikhuma, Kulikawn Hmunthar, Aizawl	Eye Block tan Wall Clock 1
9.	Gauhati Bial Kohhran Hmeichhia	Student Nurses Hostel tan ₹ 5,000
10.	Pu RK Vanlalzela, Zemabawk	Student Nurses Hostel tan ₹ 5,000
11.	Micro Vision Company	Eye Block thar tan Wall Fan 3
12.	Kohhran Pavalai Pawl, Bungkawn Vengthar	Thuttlengsei 3
13.	Upa Thanghulha, Maubawk	Swabstick bag 2
14.	Pu Lalhmingthanga, Pu Chawnga hriatrengna	'Best Outgoing Electric Veng, Aizawl Student Award' lawmman atan ₹ 2,00,000
15.	Pi Lallawmsangi, Sister (Rtd), Venghlui	A pa Pu Zaluta (L) Hriatrengna 'Zirlai titha' lawmman atan ₹ 50,000
16.	MD Enterprise, Sikulpuikawn	Palliative Care Unit tan Steel Almirah
17.	Pu Rokailiana, Israel Market, Dawrpui	Palliative Care Unit tan Dawhkan

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thla-muang takin a awmtîr a, Hospital mamawh tam tak min phuhrûksak bawk a ni.

Sd/- REV. R. RAMDINMAWIA
Chaplain, Synod Hospital, Durtlang

COUNSELLING TRAINING VAWI 25-NA KHAR A NI

Mizoram Synod, Family Guidance & Counselling Centre-in August 3, 2016 ațanga Kohhran Hruaitute puala Pastoral Care & Counselling Training wawi 25-na, Synod Conference Centre-a a buatsaih chu August 16 (Thawhle) zân khân khâr a ni. He Training-ah hian thingtlâng lam Pastor Bial 8 ațangin mi 25 an tel a, Synod Moderator Rev. H. Lalrinmawia'n Training khârna hun hi a hmanpui a ni.

FG&CC Director report-a a lan dânin, Pastoral Care & Counselling Training hi kum tin Pastor pual wawi khat leh Kohhran hruaitute pual ăm hnih an buatsaih thîn a. Pastor puala wawi 25 buatsaih tawhah Pastor 424 training pêk an ni tawh a. Church Leader-te puala kum 2002 ațanga wawi 25 neih tawhah mi 502 training pêk an ni tawh bawk.

FG&CC hian tûnah hian Centre 6 - Mission Vêng, Châmari, Vaivakâwn, Champhai, Sêrchhîp leh Kolasib-ah te an nei tawh a, pantu (client) mi 17,303 an nei tawh a ni.

HNARUAK DIL THEIH

A hnuaia târlan ang hian John Williams Hospital, Lungleiah Contract basis-a thawk tûrin hna a ruak a, kum 18-35 inkâr tân dil theih a ni. Application Form chu Synod Office ațangin lâkchhuah tûr a ni. Chutah chuan hriat tûr pawimawh tihlan a ni. Dilna chu a hnuaia hming ziaik hnênah hian thehluh tûr a ni e.

Dil theih hun chhûng : Sept 29, 2016 (Ningani) Tlai dâr 4:00 thleng

Interview : October 4, 2016 (Thawhle) Dâr 10:30am

Hna hming	Post ruak zat	Qualification
1. Medical Officer	2	MBBS (Any recognised University)
2. Office Assistant	1	HSLC of any recognised Board (Computer thiam an ni tûr a ni).

Sd/-

Rev. Lalramliana Pachauau
Secretary
Synod Service Board
Mizoram Presbyterian Church Synod

Mipui lo pungkhâwm chuan, “Râl Vêngtu, eng kan ti ta nge ni kan ram Kohhran hi kan chak lo sâwtin inkhâwm te hi kan va tlem sâwt ve, eng nge a chhan?” tiin an zâwt a. Râl Vêngtu chuan, “Kan thianpa Chawngkhûmdântlânghuatlohva fapa nei in va ang âwm ve. Fapa tlangval, pian tha nelh nawlh, hmêltha vuah mai hi a nei a. A hmêl han en ngawt chuan British lal *fa-thum* emaw tih mai tûra mawi hi a ni a. Mahse, a tih ve theih tâwk tûr âwm pawh hi a ti peih lo va, Zân rei tak thleng mengin zîngah a tho hma leh thei si lova. Khawchhak vawkno lei fuh ang mai hian a chaw ei a tui êm êm ringawt mai a. Nu leh pa ten tih tûr an tih ang ti peih si lovin, tih loh tûr an tih lam erawh chu a ti peih êm êm thung a. An chhûngkua chu an inhau reng mai a, an hlim lo teh asin,” a ti a.

Mipuiho chuan, “Teh daih a, chu chu eng nge a awmzia?” an ti a. Râl Vêngtu chuan, “Mahni tih theih tâwk pawh ti peih lo va, tih loh tûr lam hlîr ti peih te hi chhûngkaw chaw buaitu leh ti hlim lo tu an ni fo. Mizoram Kohhranho pawh hi mahni tih theih ang tâwk in tih loh va, tih loh tûr lam hlîr in ngaihpawimawh chuan in la chhe tial tial ang a, in hlim lo tial tial ang. Inkhâwm te, sâwma pakhat pêk te, Kohhrana kan rawngbâwna hlen chhuah te, ănpui ngai ănpui leh thil tha dang tih kawngah hian in tih theih tâwk in tih theuh chuan thâl laia thlai ăiak tîr tui leih ang mai hian in harhin in duah hlauh hlauh mai ang. Thawhrim hi chawlhna nuam a ni,” a ti a. “E, a lo ni dawn tak e, kan tih theih tâwk ti tawh tûrin kan lo insangmar ang e,” tiin mipuiho chu an ăin ta a.

WOMEN CENTRE THILPÊK PE

Women Centre, Phunchawnga hmalâkna hmasa âtana puanthui zir chu neih chhoh mêk a ni a, puanthui zir mêkte mamawh chi hrang hrang hêng mite hian an pe a, a lâwmawm tak zet a ni.

1. Pi Rinchawii, Chairman, Kohhran Hmeichhia - *Gas thuk lian*
2. Upa R. Sângkhûma, Khatla - *Television*
3. Pu H. Thanga, Bâwngkâwn - *Television*
4. Pu Liansanga, Khatla - *Solar Water Heater leh Pipe Fitting*
5. Pi Lalzampuii, Aizawl Vênglai - *Tuizem (2000 litres)*



THINGSÂT KOHHRAN: Thingsat Kohhran chuan ni 21-23 October, 2016 chung hian an kohhran kum 10 (Centenary) tlin an lawm dawn a. Thingsat kohhrana lawi tawh zawng zawng te, Bialtu Pastor leh Pro Pastor lo ni tawh zawng zawngte he hun hmanpui tur hian an sawm a. Sawmna dang siam anih loh avangin hei hi sawmnaah ngaih tur a ni e.

LUNGLEI ELECTRIC VÊNG KOHHRAN: Lunglei Electric Veng Kohhran chuan October 1-5, 2016 (Inrinni-Nilaini) chung hian Silver Jubilee an lawm dawn a. October 5, 2016 (Nilaini) hian ruai an buatsaih dawn baw a ni. He hun pawimawh tak hmanpui tur hian Bialtu Pastor/Pro Pastor lo ni tawh te leh an Kohhrana lawi tawh zawng zawngte an sawm a ni.

CHAMPHAI KAHRAWT BR. KTP: Champhai Kahrawt Branch KTP chuan ni 1-16 October, 2016 chung hian an Branch KTP Diamond Jubilee an lawm dawn a. An Branch-a hruaitu lo ni tawh zawng zawng te, Pastor leh Pro Pastor-a lo awm tawh zawng zawngte bakah KTP member lo ni tawh zawng zawngte he hun hmanpui tur hian an sawm a ni.

KHANPUI BRANCH KTP: Khanpui Branch KTP chuan ni 21-23 October, 2016 chung hian an Branch KTP Diamond Jubilee an lawm dawn a. An Branch-a hruaitu lo ni tawh zawng zawng leh an member lo ni tawh zawng zawngte he hun hmanpui tur hian an sawm a ni.

PARVATUI BRANCH KTP: Paravatui Branch KTP chuan Nov 2 2016 chung hian an Branch KTP Diamond Jubilee an hmang dawn a, KTP hruaitute leh member lo ni tawh zawng zawng te, Pastor leh Pro Pastor-a lo awm tawh zawng te an sawm a ni.

THANGLAILUNG KOHHRAN : Thanglailung Kohhran chuan ni 17-20 October, 2016 chung hian an Kohhran kum 25 tlin (Silver Jubilee) an lawm dawn a. He hun hmanpui tur hian an Kohhrana lo lawi tawh zawng zawng leh Phullen Pastor Biala Pastor lo ni tawh zawngte an sawm a ni. Sawmna hranpa siam a nih loh avangin hei hi sawmnaah ngai turin an ngen nghal baw.

BANGALORE PRESBYTERIAN KOHHRAN : Bangalore Presbyterian Kohhran chuan September ni 14-17, 2016 hian Revival Camping, Campus Crusade, Kothanur-ah an nei dawn a. Speaker atan Upa PC Lalhmachhuana, Holy Fire Team Speaker a ni ang.

AIZAWL THEOLOGICAL COLLEGE, DURTLANG LEITAN : MIZORAM ADVERTISEMENT FOR COURSES OF STUDY

The following courses will be offered in Aizawl Theological College for the coming Academic Year of 2017 – 2018.

- Diploma in Clinical Pastoral Counseling (DCPC): One-Year Course**
Required qualification: B.A. & its equivalents and above
Entrance Exam: January 18, 2017 at 9:30 AM
Interview by the Board: January 20, 2017 at 10:30 AM
- Bachelor of Christian Studies (B.C.S.) (External Course): Four-Year Course**
Required qualification: B.A. & its equivalents and above.
Documents: Highest Degree certificate, Marksheet, Church Recommendation, Passport size photo 1 copy.
Registration fee: Rs. 1,200/-. Date of Submission: Within September 2016 at ATC Office.
- Diploma in Christian Studies (Dip.C.S.) (External Course): Two-Year Course**
Required qualification: HSSLC & its equivalents and above.
Documents: Highest Degree certificate, Marksheet, Church Recommendation, Passport size photo 1 copy.
Registration fee: Rs. 1,200/-. Date of Submission: Within September 2016 at ATC Office.
- Bachelor of Divinity (B.D.): Four-Year course**
Required qualification: B.A. & its equivalents and above
Entrance Exam: February 08, 2017 at 9:30 AM
Interview by the Board: February 10, 2017 at 10:30 AM
- Master of Theology (M.Th.)**
Required qualification: B.D. (B Grade and above) or those who qualified themselves from the Senate of Serampore College for the concerned subject in the following disciplines: *Old Testament, New Testament, Christian Theology, History of Christianity, Missiology, Religions and Christian Ministry (Counselling)*.
Entrance Exam: January 18, 2017 at 9:30 AM
Interview by the Concerned Department & Faculty: January 19, 2017 at 10:30 AM
Interview by the Board: January 20, 2017 at 10:30 AM
- Bachelor of Theology (B.Th.) Hindi: Four-Year course**
Required qualification: HSLC (Hindi)
Documents: HSLC (Hindi) Certificate, Marksheet, Church Recommendation, Passport size photo 1 copy
Entrance Exam: January 18, 2017 at 9:30 AM
Interview by the Board: January 20, 2017 at 10:30 AM
- Bachelor of Divinity (B.D.) (Hindi)**
Required qualification: HSSLC for Five-Year course & B.A. for Four-Year course.
Documents: HSSLC/B.A. Certificate, Marksheet, Church Recommendation, Passport size photo 1 copy
Entrance Exam: January 18, 2017 at 9:30 AM
Interview by the Board: January 20, 2017 at 10:30 AM
- Doctor of Theology (D.Th.)**
Required qualification: M.Th. B Grade & above with CET passed in New Testament, Christian Theology, Missiology
Departmental Interview: January 19, 2017 at 10:30 AM
Interview by the Board: January 20, 2017 at 10:30 AM

Application forms for the above (Nos. 3-8) courses and the College prospectus could be obtained from ATC Academic office on payment of Rs 10/- for Hindi B.Th/B.D., Rs. 100/- for B.D.& DCPC, Rs. 150/- for M.Th. and Rs. 200/- for D.Th. or from the College website. Duly filled in form must be submitted to the Academic Office on or before December 16, 2016. (with late fee of Rs. 50/- on or before January 6, 2017). Those who obtain application forms from the college website should do the payment at the time of interview.

Sd/-
Principal

For more information please contact - 03892361139 / 03892361664 or see; www.atc.edu.in